

منى الغريب

حضرة صاحب العصمة

أشعار بالعامية المصرية

الطبعة الثانية



حضرة صاحب العصمة

بطاقة الكتاب

عنوان المؤلف : حضرة صاحب العصمة
المؤلف : منى الغريب
التصنيف : أشعار بالعامية المصرية
رقم الإيداع : ٢٠١٩/١٣٠٣٣ :
الترقيم الدولي : ٩٧٨/٩٧٧/٦٧٢٦/٢١/٥ :
عدد الصفحات : ١٠٠ صفحة
رقم الإصدار الداخلي : ٤٤٢
تاريخ الإصدار الداخلي : ٢٠١٩ ، طبعة ثانية
تصميم الغلاف والتنسيق : الشاعرة منى الغريب

جميع حقوق الطبع والنشر محفوظة للشاعر، ولا يحق لأى دار
نشر طبع ونشر وتوزيع الكتاب إلا بموافقة كتابية وموثقة من
الشاعر

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة
ناجى عبد المنعم

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 572-01-35
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 فاكس: 020554372901
النيل والفرات      nagyegy200064@gmail.com
alniiwaalfourat@gmail.com
[المقر الرئيسي: ج.م.ع. محافظة الخرنبة - الحاضر من رمضان - مجاورة 13 - أمام ستر الد - 304



مؤسسة
النيل والفرات
للنشر والتوزيع
أسسها الشاعر ناجى عبد المنعم
حتى 2007

الاهـداء

إلى ...

أبي (رحمه الله)

الذي علمني عشق الحرف

وأدين له بكل ما بقلبي وقلمي من حروف

.....

منى الغريب

عضو اتحاد كتاب مصر

عضو رابطة الزجالين وكتاب الأغاني

مؤسس نادي أدب القلب

بهلوان

بهلون .. بهلوان .. بهلوان
دنيا فيها الكل عايش بهلوان
مهما مرّ العمر بينا .. دموع حزينه
تترسم ضحكه ف عينا
تبتسم تقاطيع وشوشنا
تنام رموشنا .. جوه حلم جديد علينا
عشنا فيه أيام زمان
حلم أكبر من .. حياتنا ، ومن سكاتنا
سنين طويلة .. مالنا حيلة
غير أمل نبنيه لبكره
ألف فكرة .. بتتولد جواه جميله
بكره أجمل م اللي فات ... إيه كمان ؟!
الحاجات المستحيله ..
تتولد .. جوه السكات
مش بالكلام ... ولا بالملام



هنعيشه حلم بنزرعه ..وسط الألام

ترويه دموعنا..فرحة رجوعنا

لـ..حق طالع..

طول عمره ضايع...من زمان

....

خايفة ليه من وشي..سامحي

وشي قمحي

ألوان كتير دارت ملامحي

حزني متكفّن ف فرحي

جرح عمره سنين وخايف

بس حالف..ترجع البسمه العينين

وحقي عارف أرجعه..

إزاي ..وفين..؟

كل عمري.. مش كفايه أضحى بيه

حتى ابني ...

مش هاعزّه ف يوم عليكي

لو سمعت نداكي ليه



مش مهم حياتنا إحنا
ولّا يكمل يوم فرحنا
إلّا لما تطيب جروحك
ياللي روحك أغلى من كل المعاني
وأجي تاني .. بوش باسم
ضحكة ادوقها .. بس صافيه..
تحت ألواني وفوقها
وان تعبني شوقي ليكي
مش راح اسكت..ولّا هابعد
هارمي نفسي جوه حضنك
ياحببتي ..وبين ايديكي

....

أنا آسف

مفیش بإیدیا أي قرار
ولا بإشاره من عیني
أوقف فيكي ضرب النار
وما تحطيش أمل فيا
أمل ماتت
وسابت جوه حلقي مرار
زمان قالوا علينا اخوات
كائنًا في جسد واحد
وكات كدبة بنسمعها
وقالوا لو شكت "سوريا"
"سودانا" يحس بوجعها
وإن النيل بيروينا .. يغذينا
ويجري ف كل منابعها
كلام أوهام ...
بلاش تبني ف أحلامك ...

بلاش تتمني في منامك
وخيبة قوام توقعها
و مليون آه يا "غزة" ...
يا أرض بتتزرع عزة
يا إيد مليانه بحجاره ...
وبالعفة بتتغذى
ده لو قالوا صلاح الدين ..
بطل حطين رجع ثاني ...
نقول جايز
ولو قالوا شמוש الحق...
راح تسطع بشوارعنا ...
تنور سكة العاجز
ولو قالوا قمر ليك ...
صبح بركان ... على الأحزان ..
أقول عايز..
بساط أخضر لزيتونك ...
وعطر الأقصى ف عيونك

ياأول قبله صلينا ..
وآخر أمنيّه لينا
نحرر أرضك الطاهره ..
نعطّرها بدم شهيد
تعيش بطولاته وسطينا
وبالجنه أكيد فايز

....

أيوه قولت

أيوه قولت.. أنا مش باحبك

ولا قلبي مال لقلبك

مش هاتسهر يوم عينيا

ولا هاتدمع عليكي

ولا راح تشتاق إيديا

يوم من الأيام ايديكي

كنتي فاكراني باحبك

قلبي قاصد يخدعك

رامي بعدك ذكرياتي

كل أحلامي ف حياتي

كان ضميره يودعك

لا يوم هایتما دی فی حبك

ولا كان ف باله يرجعك

حلمك في يوم...

لو كان في حبي ماتحلميش



شوقك يزيد .. أو شوق جديد

ماتشتاقيش

طريق هانمشي فيه سوا

بعد اللي كان

أبدا مفيش !!

قلبي وروحي...

وكل بوحي.... مش عشائك

لو خطوه جايه .. ف سكتي

يخرم حناك

ماتحلميش إني

هاموت جوه ف كيانك

انا كل أيامي خلاص

نسيت مكانك .. نسيت مكانك

و ب ودّك

....



بتكلم جد !

كل ما شوفك.. قلبي يدق .. يدق بجد
كل ما عيني ... تقابل عينك.. تطرح ورد
كل ما إيدي ... بتلمس إيدك
تحلف وعد.... وييجي الرد
إني باحبك .. تملُكي قلبي... واملُك قلبك
وان الروح بتهون علشانك
مهما هاتبعد سما أحلامنا
مهما يغيب قُدامنا كلامنا
نرجع تاني .. نغزل تُوب الحب أمانِي
يرجع كَفَّكَ....
برضو يطبطب.. فوق أحزاني
يرجع حلمك.. ياخذ حلمي مابين دراعاته
ينسى أهاته
أه من قلبك....
لَمَّا بيحضن شوقي ويفرح

لما بتخرج بسمة وشي...

وبيات رمشي ما بين أجفائك

كنت باشوفك بين أحلامي

هنا أيامي

قلت هاأغمض عيني.. وأفكر

واسأل نفسي: ممكن تقدر تنسى غرامي ؟

رد الحلم الصاحي بقلبي

: هوه قصادي إيدو ف إيدي

والعين بتشاهد تنهيدي

مهما ها تبعد...

نبضك جوه ف قلب وريدي

يا هنا أيامي.. ونور أحلامي

ياللي باشوفك هنا قدامي

مهما أغمض عيني وأفتح

شايف قلبك مرج غرامي

....

تعرف ليه ؟

تيجي نجمَّ كل ما بينا ... ما بينا
كل مشاعرك ويا مشاعري

وحروف شعري

دقات قلبك ... دقات قلبي

راح نجمعها ... ونقسّمها

نبضه ف قلبك .. مرة تجيني ...

ونبضه تدق ... ما بين شراييني ..

تحضن قلبك

تيجي نضم ... ما بين أشواقنا ..

يسري هوانا .. جوّه عروقنا ..

ونقسّم بينا ..

تاخذ شوقي .. وفيّا تفكر

واخذ شوقك

جوه حنايا ... القلب وأكثر

لما هانجم كل ما بينا



شوقك ... شوقي

حبك ... حبي

نبضك ... نبضي

ونقسّمهم

برضو نصيبي هايصبح أكبر

تعرف ليه ؟

علشان حبك جوّه ف قلبي

عدّى حدود الدنيا

وأكثر.....

....

أحلام قلبين

ما بين قلبي وبين قلبك..

بحور وبحور

مراكب قلبنا تحبي

بلا مجاديف.. شراع مبتور

تمرر جحنا.. ما بين الموجه.. والموجه

ف حلم كفيف

شراع قلبي عملته توب

بيحمينا من النوات

نداري بيه ضلام ليلنا

ونتغطي ف عز الفجر بالأحلام

وليه يا حلمنا المكشوف

بتدّي الخوف عناويناً

وليه.. كل الدروب بيتنا

ضباب بيطوف... على شوفنا

سنين مخنوقه... بالممكن... وبالممنوع

سنين ضلّمة تكعبنا . توقعنا....

على سكه مافيها شموع

ده غير الحزن والحسره

على أيام ماليها رجوع

وعدّى ع السنين عمري

فَرَش غيمة على صدري

وقال دي نهاية الرحلة

بحور لَمَّا عبرناها

مايوم.... قابلتنا نهايتها

وجوّه هوجة الأمواج

رمينا فيها قصتنا و..

حكايتنا دي دوامه

لكل مراكب العاشقين

وبنقول مين هايبعد عنا أحزاننا ؟

وأيامنا يبذلها

لفرحة ونجمة في العالي

بتتبسم ف قلب الليل

....

هتلاقيني

هتلاقيني... ف كل كلمة قلتها لك

جوه حرف ف وسط سطر

فات إيديا ف لحظه جالك

جوه نظرة عين لعين..

دايبه ف وصالك.. هتلاقيني

حتى لو مش بتناديني

جوه شوقك

جوه دمك... وف عروقك

جوه صمتك... جوه همسك

جوه ليلك... وف شروقك

لو لقانا كان مقدر

أو فراقنا كان مقدر

اللي ما بينك وبينى...

جوه قلبك.. جوه عيني

هتلاقيني....

جوه ضحكاه وابتساماه

دمعه جوه العين...

زمان سايت علامه

نبضه جوه القلب...

وبنسمعها ياما

همسه دايبه ...

جوه منا م النهارده....

لحد ماتقوم القيامة

....

جدول ضربي

قالوا زمان. خمسة ف ستة بتلاتين يوم

دا ف حسبتهم... شوف دلوقتي..

جدول ضربي.. شهد بخيبتهم

صبحت خمسة ف ستة ... ب ميه....

ويمكن أكثر

علشان يوم ف بعادنا يساوي....

ست سنين وخمس تيام

يبقى الخمسة ف ستة بكام!؟

ماتقوليش فيثاغورث وغيره

ولا تفكيرهم... بحساب قلبي..

جدول ضرب ايامي.. ف بعدك..

خمس ف ستة عدّي الميه

وده علشان أنا قلبي مذكر

جدول ضرب ايامي

ف بعدك أكثر منهم

....



تياب الحلم

من أول حرف ... ف أول سطر
والقلم الرافض ذله..
بيرفض زمن القهر
من أول كلمه...
سؤال جوايا.. بيحفر حفر
من إمتى الميت من حقه
يصرخ بعد الموت؟؟
من إمتى الحق يبان
ف زمان مشنوق؟؟
عاش عمره جراح
وبصوت مخنوق
قال جاي يتحرر بعد مامات
وحتى ان مات....
مين بعد الموت...
راح يزرع همسة صوت
ف قلوب مظلومه

مين هاينادي الشمس الدافيه

ف عتمة ليل

والناس محرومه

مين هايصدق إن حطام البيت

كات في الأصل

حيطان مسمومه

ماتت جوه قلوب الناس

أحلام مكتومه

صرخت

جوه حدود الخوف

وياريت بتشوف

طب إمتى الناس

ف تياب الحلم تنام

إمتى العين

هاتلاقي قصاها براح

ويغمض فيها الرمش السارح

فوق أنهار الحلم الأخضر

مهما ان راح



يا نجوم الكون بصّي لي
ونوّري ليلى
وافردي توب الفجر قصادي
تقيد قناديلي
وابعتي كل طيور الكون
تنشد مواويلي
مهما ان طال الظلم ف جوفنا
مهما ان عشش فوق شفايفنا
راح يفضل حلمنا طول العمر
كلمة حق هاتطلع منّا
حتى ان موتنا

....

حضرة صاحب العصمة

أنا مش حرف ع الهامش
ولا أصداف رماها البحر
ده أنا حرفي ..

ينام الليل على القمره
ويهمس للسحاب فكره
ويصحي الفجر

حروف مبدوره من قلبي
والملمها بتتضح عطر
ولما تكون ف حضرتها..
تسيب الدنيا ف وجودها
وليها ولاء شرايينك..

وليها الأمر..

أنا مش كلمة..
مربوطه بخيط ملفوف
ولا بقيودي مسلوبه..



ناقصها حروف
ده نورها ع البعاد..
قمره ماليها خسوف
وشمس حروفي نعساته
ف بحر الشعر مالها كسوف
أنا قلّمي...
يهزّ مشاعر الإنسان..
ينام الليل..
بلا أفكار زارعها الخوف
وقبل الفجر ما يصحى
بأحلام الهنا يشرق
وبجماله أكيد معروف
أكيد معروف

....

جوه مني

لاجل خاطرك
ياما قلبي شاف مآسي
عاش حياه.... مفيهاش حياه...
بس ناسي
كنت اخاف أطلب زياده
ألقي جيبك مش معاه
كنت باسبح بين بحورك
واحلمك طوق النجاه
جرحي منك ..جرح واعر
جرح مش لاقى دواه
هاتي إيدك فوق ضلوعي
زَمّي جامد ع الجراح
وبحبال الصبر لَفّي
ونشّفي الدم اللي ساح
آه ياغاليه ياللي قدرك
في القلوب.. فوق الحيااه

لَمَّا أَشَوْف ف عَنِيكِي دَمْعَه

قَلْبِي يَنْفُض نَبْضَه...

يَاااه

وَامَا أَشَوْف ف عَنِيكِي بِسْمَه

بِاحْمَدِ الرَّبِ الْإِلَهِ

جَوْه مَنِي شَوْق لِحَضْنَك

وَاسْمَعِي مَن قَلْبِي آآآه

جَوْه مَنِي حَب لِيَكِي

رَبِّي وَحْدَه...رَبِّي وَحْدَه

الَّتِي يَعْرِف.. مِنْتَهَاااااه

....

سلامي ليك

سلامي ليك... يامالك قلبي والنَّي

أتاري هواك مجنَّي

يوماتي تاخذني أشواقي

حنين دايب في أوراقي

ياخذني هناك... ف أرض مافيها..

غير قلبين... بيتواعدوا

ونبتة حب ماينهم

يعدي العمر في لحظات

يعيش الحب ماينهم... ولا الروايات

وكل العاشقين بينهم... غرام حكايات

أتاري حبنا إحنا... سبق شوقهم

وباعت للنسيم فرحه.... تشوقهم

وبعدي على العشاق يجمعهم...

وطيف حبي ببيعت لك سلام قلبي...

وأنا... معهم

....

عمري ابتدا

عمري ابتدا.. من يوم ماقابلتك
وانت رضيت.. أوهب لك .. حبي

...

عمري ابتدا من يوم مالقيتك
واتمنيتك .. نبضه.. ف قلبي

...

عمري ابتدا.. إبتدى بلُقاك
أجمل لحظه.. باعيشها معاك
شوف نبضاتي .. و كل آهاتي
بتسيبني وتروح ويَّاك!

...

عمري إبتدى
إبتدى من يومها
حتى عنيا .. خاصمت نومها
تسهر طول الليل
فى كلامك

حتى رموشي.. باعتة سلامها

...

عمرى ابتدى ويغني يقول

إن حياتي ليك على طول

مهما أشرق ولا أغرب

ولا يكون البال مشغول

بتمناك.. مش هانسك

مهما العمر علينا يطول

....

قلبي مات

فاكر اني مش هاعيش..

في البعد عنك

تعرف ان قلبي مات..؟؟

كان موته منك

وَلَا فَاكِر.. كل نظره من عينيا

باشوف عينيك

وكل كلمة من لساني

باقولها ليك

فاكر إن...

دق قلبي كان عشائك

وَلَا فَاكِر نبض روحي

من حنانك

فاكر إن زمان خداعك كان سراب

وان ظلمك .. قسوتك..

طعنك لقلبي.. كان عتاب

فاكر أني هالموت ف بعدك

أو راح أضعف... ولّا هاتذل قصادك

لا.... ياعمري

ياللي كنت بعد عمري

قلبي مات ...

ماخلاص دفتته مابين ضلوعي

نبضي غاب...

مش هاقبله.. لو قال رجوعي

وحلفت لك...

بكل يوم حبيت هواك

كل يوم قلبي انخدع

ف بحور رضاك

قابلتني طعنه في الضلوع

مات فيها قلبي

يستحق الموت ...

عشان هو السبب

وسمح لحبي

....

كديه جديده

كديه جديده..

جوه وداني ... وجيت تكذبها

مش في الأول كنت احسبها !!

واعمل حسبه لكل خداعك

قلبي ... و باعك

يوم ما ف وشه قفلت بيبانك

كان يوم خاك؟ .. أو يوم باعك؟

ولاً وهبت لغيري اعتابك

جاي تتشطر ... جاي تتسحب ...

كده على قلبي .. وتغني له:

أنا مابانامش الليل من سهدي

حبك جاني ... حلّ زماني ...

عايزك ترجع تاني لعهدي !!

جاي بتقول: سامحيني خلاص

لا .. يا حبيبي

طعنك قلبي

مَوّت فيه كل الإحساس
طفّاً شموعه وودع روحه
ماتت فيه الدّقة بنوحه
عايش بس لكنه موات
بادعي عليك... أنا بين أوقاتي
تشرب ناري...
وتعيش كل مشاعر قلبي
بكل النبض الميت فيه
بكل حالاتي
وتعيش كل عذابي ف حبك
كل الماضي ... وكل الآتي
وبرضو لكذبك ... مش راح اصدق
تعرف ليه؟
علشان نبضك .. جوه ف قلبي
لقيته رُفّات

....

كده توحشني

كده توحشني.. وعيني ف عينك

إيدي ف إيدك

دمي بينده.. جوه وريدك

كده بشتاق لك... وأنا باندك لك

تاخذ قلبي لفرحة عمري

وتوديني ... بعيد عن عيني

لحد بحورك .. وآجي أزورك

والأمواج بتهدي محبه .. حبه بحبه

ومافيش ريح .. ولا مجاريح

بحر الهوى مجنون بغرامك

وأنا قدامك

تجري عينيك... ضلّة لروحي

وألقي جروحي تطيب من همسك

تلحق روعي وتجري عليك

وألقي سوالي نطق ف عنيا

كده توحشني...كده توحشني ... قدّ الدنيا

اتعوّدت

اتعوّدت..... أشوفك دايمًا..

جوّه عنيا ... دوا لـ عنيا ..

لمسة شوق بتأثر فيّا

اتعوّدت الاقي اديك .. بالحنّية ..

تمسح دمة .. معلّمة فيّا

اتعوّدت ..

كلامك ليّا ...

نسايم ليل .. بتهلّ عليّا

ضفاير سارحة

تطرح فرحة .. من حواليا

اتعوّدت .. كل حنانك

شوق وجدانك .. لهفة قلبك ..

دايبة ف كل مشاعري وفيّا

اتعوّدت

كل همومي .. تبات على كتفك

شايفك كنت .. أو مش شايفك ..

روحي تجيك .. أَوْ تَنَادِيكَ ..

تيجي بكل مشاعرك لِيَا

اتعوّدت .. مهما بعدت

أَوْ قَرَّبْتُ ..

أَوْ فِي مشاعر قَلْبِكَ دُوبْتُ

لَوْ شَرَّفْتُ .. أَوْ غَرَّبْتُ ..

شَمْسِ هَوَاكَ .. ضِيَّ عَيْنِيَا

....

قرار

هو قرار ... أيوه قرار
مش هاستنى ... واعيش ف النار
داري دموعك ...
لا .. لرجوعك
مش هاستسلم .. ولا ها انهار

قلبي اتعذب ... من حكاياتك
هيّ الشكوى ... ف كل حالاتك ...
بحر مرار
تيجي بكديه ... تسلم كديه
قلبي اتعلم ... مش هايسلم
كذبك علم ...
جوّه ف قلبي
علامه ب نار

....

نهاري المستحيل

قلبي مش قادر ينام
دقته مش بالتمام
قطر جوه ضلوعي خايف
نبضه واصل للشفاف
تحكي عنه تقول حرام
اللي يهجر يوم حبيبته
ولّا ينساه الغرام
قلبي ورده... بس فارده ...
قلوعها فوق مركب حياتي
ناقشه فوقها ذكرياتي
عائشه فيها سنين ولكن
شوفت منها كتير آهات
بكره جايز يبقى أحلى
هي رحله... بنشترك فيها بجروحنا
وبإيدنا نداوي روحنا
لو هايبلعنا السكات

مش هانندم ع اللي فات
جايه شمسه... تدفي بَرْدُه
جايه نسمة... تصحّي وَرْدُه
جايه ضحكة... تترسم فوق القلوب
جايه دقه وراها دقه
جوه قلب برئ يادوب
حلمه نام في عيون ملاك
بينادي على بر الأمان
إنسان وراضي بقسمته
يوم فرحته ... دي دنيته
لَمَّا تلقاه العيون بالإبتسام
لو ينام الحلم.. ف رموش الدفا
لوناقي الضعف.. جوانا اختفى
نسمع اذآن الفجر .. من بين السكون
بيشوق ضلمه ليل .. تعذب في الجفون
يضحك نهاري المستحيل...ومعاه دليل
ان الإراده والعزيمه
بألف طعم وألف لون



وجيت اضحك

وجيت أضحك لقيت الضحكة نسياني

ولمّا حاولت..

أشدّ البسمة من جُوفي

ظهر خُوفي..

وعشش جُوه وجدّاني...

خلاص البسمة... جُوه القلب منسيّة

وثوب الفرحة... متمزّق... ومتمزّق

بجرّح العمر غطاني

ودم الجرح...

خلاص بقى كل شرياني

منين الضحكة هاتجيني

ودمع الليل عشق عيني

وكل ما اهم بالضحكة

أدونها... على ورقي

ألقى الدمعه تسبقها

لتدويني

مين فينا يبتدي

مش مهم.. مين اللي فينا

يبتدي.. ينسى الغناد

مين اللي يبدأ بالكلام

والسلام

وكفاية ع العين السهاد

ولّا برضو ها ننتظر

لما بنموت م السؤال

مين ياترى الحق عنده ؟

ومين يعانده ؟

وما ننتهيش من ده السؤال

مين اللي كان بيحلا...

نومه ما بين رموشي

مين اللي كان كل الكلام...

جوه قلبي ما يكفيهوشي

مين اللي كانت نظرتة

تحضن كياني... وماالمسوشي



مين اللي همسه من شفائفه

قلبي يرقص....

كل كوني ما يساعوشي

يالاً ننسى

أي جرح صاب قلوبنا...

منّا فينا

يالاً نبعد كل حزن

يبات في ليله....

بين إيدينا

يالاً يزرعنا الأمل

جوه العيون... ويلاقينا

يالاً نحضن حبنا

ما بين قلوبنا

بينادينا

الحب بينّا بينادينا

....

ويجي الليل

ويجي الليل بأشواقي
واحنّ إليك ف أوراقي
وباكتب لك.. حنين باقي
هواك في القلب والنّني
ويجي الصبح متعطّر
وحلمي معاك بيتفسّر
ولما القاك قصاد عيني
باقولك... كل ما تجيني
بحُبّك يالّا طمني
أقول عنك لروحي كلام
وينساني ف هواك اللوم
ترد الروح :
تقول يا سلام !! على قلبي
اللي بات محروم
غيابك كان محيرني
وبُعدك عني سهرني



ولو فترة غيابك يوم
تعالى نضم أشواقنا
ندوّنها في أوراقنا
ونكتب كل صفحاتها
بكلمة حب تشتاقنا
نسبب صفحة عتاب فاضية
مانحتاجهاش
وصفحة للبعد
برضو ما بينا بلاش
نخلّي كل صفحاتنا..
لشوقنا حروف
ونمسح كل تنهيده .. ودمعة خوف
وننسى كل أحزاننا
ف حزن يضم أشواقنا
وشوق وحنين علينا يطوف

....

نَفْسِي

(على لسان طفلي الصغير)

نَفْسِي أَشْبَّ وَيَطْوِلْ عَوْدِي
يَطْرَحْ وَرْدَ فِ قَلْبِ خُدُودِي
نَفْسِي أَطْوِلْ النِّجْمَ الْعَالِي
كَدِهْ طَوَالِي
مَهْمَا أَشْبَّ أَنَا لِسَهْ صَغِيرِ
نَفْسِي بِقَلْبِي أَنَا جِي الْقَمَرِ
تِيْجِي تَتَوَرَّ.. سَمَا أَحْلَامِي
وَامْسِكْ كُلْ حُرُوفِ الْكَلِمَةِ
وَارْسَمْ قَلْبَ... بِنْبُضْ كَلَامِي
شُوفْتْ كَلَامِي
كُلْهْ مَلْخَبُطْ جَوْهْ حُرُوفِي
شُوفْتْ الْبَابَ وَقَدَرْتْ أَخْبُطْ...
كَدِهْ بِكَفُوفِي
يَا لَا تَعَالِي...
يَا نَجْمَهْ بَتَحْلَمْ كَدِهْ فِي الْعَالِي

هانسى معاكي حكاية شوفي
نفسى أكون الضحكه الطارحه
جوه سمايا
نفسى اتحدى الدمعة النازله
ف قلب بكايا
نفسى أطيّر بجناح أحلامي
لهنا أيامي....
وتجري معايا
والقى حروف العالم قادره
ترد ورايا
هاكبر واكبر ومفيش حاجه
تزلّ خطايا

....

مش هالموت

مش هالموت..لو ألف صوت ..

اتجمّعوا ف قلب السكوت

لو القمر غاب م السما

سافر لأبعد كون

لو العيون صاحيه....

مابتنامشي

أو الكلام مخنوق

لو سكون الليل..

ما بيدوقشي ..طعم الهدوء

لو القلوب تنده..

تصحّي الشوق

مش هالموت

لو كتير م الناس... مخدوع

و ألف قيد... في الإيد

حتى الصراخ ممنوع

ده القلب بين الضلوع



عايش مايموتشي
وان يوم ضلام الخوف
عشش على وشي
وداق رمشي.. كل الدموع
لابد بين ضلمتي
راح يتولد فجري
ومن سُبَات وحدتي
هاتهلّ يا بدري
وابداً معاك صومي
ماهو أصل صومي جديد
والقلب صبره طال
وأكيد هاييجي العيد

....

معنديش

معنديش..

غير دموع عيني

تواسيني وتواسيكي

وشال ابيض ف طرف الايد

بيمسح دمعه ف عنيكي

ما تبكيشي..

غيامه وبكره هاتعدي

وترجع بسمتك ليكي

وليه تبكي.

دموع عينك بتكويني

وأنا مكتوف ايدين ولسان

مانيش قادر أناديكي..

ولا احميكي.. من الغربان

ولا قادر أمد القلب

عشان نبضه مايحبيكي

ولا نظره أقدمها



منى الغريب

عشان ماتشوفي بعنيكي طريقنا أمان

معنديشي

سوى قلمي بكف الإيد..

بيرسم بكره ف جبينك

قناديلك ..وعايزينك..

تكوني نبع أحلامنا

ويكتب بالحروف فكره..

تنور بيها أيماننا

يقول خلّي شمس صُبحك

تنور في الظلام بيّنّا

وحلم كبير ما بين ل حلام

هايتحقق بإيماننا.. سنه قدام

وليه ما يكونش رُبّانك..

هنا قلبي

دا جوه ضلوعي بيجدّف

سنين وإيام ماشاف البرّ

لكين بإيديكي راح توصل

لبر أمان مراكبنا

كلمة آسف

المره دي....
مش هاقبلها
كلمة آسف
لو هاتقولها
المره دي ...
قلبي رافضها
كلمة وكل شويه
تعيدها
هو أنا ايه؟؟
قول ..واتكلم
فاكر قلبي
مات جوايا
عمر الكلمه...
عليه ماتعلم
قسوة قلبك
تشوي حياته

صبحت نار
فيها بيتاًلم
إنسى ف يوم
إني هاصالحك
او روعي هاتقدر
وتسامحك
هاتشوف جرحي....
يقابل جرحك
والقي الغيرة بتملا
ملامحك
ازاي حبي ..ف قلبك يكبر
ويّا الغيرة أكيد ... يتغير
يومها هاتعرفها وهاتقدر
إن الغيرة ... سلاح مش اكر
وإن الحب معاها هايخسر

....

لو بإيدي

لَو بِإِيدي...

هَاعْزِلِ الْعِشْقَ فِ جَدَائِلِ

قَلْبِي طَائِر...

يَزْرِعِ الْأَخْلَامَ فِ أَرْضِهِ

أَدَّى فَرَضُهُ لـ حُبِّ فَارِدِ

بِجَنَاحَاتِهِ

بَيْنَ عُروقي وَقَلْبِي نَبْضُهُ

لَو بِإِيدي

مِ اللّٰي رَاحَ

اَنْسَى الْجِرَاحَ...

قَبْلَ مَنِّكَ قَلْبِي تَاهَ

شَافَ عُيُونُكَ نَبْضَهُ عَادَ

بَيْنَ دُرُوبِ الشَّوْقِ...

وَسَابِحِ..

قَلْبِي فَاتِحِ..

بَابِ حَنَانِهِ .. شَوْقُهُ طَارِحٌ



ف الحُب واصل مُنتهاه

لَوْ بِأَيْدِي ...

أَرْمِي خُوفِي فِي الْفَضَا

بَسَ الْإِيْدِيْنَ مَتَرْدَّة

مِثْشَبَّة فِيْهَا الْأَمَانِي

جُوءَ نَفْسِي

بَسْ نَفْسِي

أَفْرِدْ جَنَاحَاتِي وَأَطِير

زَيِّ طِير

مِنْ بَعِيدِ مَالُوشِ مَلَامِح

وَفِ دَفَاهِ الْقَلْبِ سَابِح

دَايِبِ الْعُمْرِ فِ هَوَاهِ

....



وطن تاني؟!

أنا عشت فيك يا وطن..

محرومه م الضحكه

محروم وريدي النفس

وباموت عشان تبقا

لا ف يوم علي صوتي..

ولا قولت يوم لأه

وكياني جوه سكوت..

ومعاك ماهيش فارقه

ومحوطة شوفي..

متلجمة حروفي..

بالتوهة والخنقه

محرومه اشوف بكره

وارسم صَوْر لابني



محرومه من شمسي

تشرق ما بين حضني

وتعبت من خوفي..

من حبسة الآه

غرقانه ف دموعي

والضحكة فايتها

كان نفسي فيك يا وطن

ضمه بتحضن قلب

وشراع أمان مرفوع

من فوق سفينة حب

كان نفسي فيك يا وطن

هدمه بتستُرنا

لا ف يوم تعرّي البدن

وتموت ضمايرنا

كان نفسي فيك ياوطن

نُبْعين حنان وأمان

أتاريك بتوب الوهن

توبي كمان متهان

كان نفسي فيك ياوطن

ضلّة وقمرايه

فرحة وليد نبّتت

لزهرة جوايا

أتاريك لغيري وطن

وأنا بارفع الرايه

سيبت الغيلان ف الليل

ياكلوا في لحمي ليه؟

مش جسمي ده اللي حما

عرضك وأرضك بيه



كان حبي ليك ياوطن

غنوايه ف لساني

ودمي سال يرويك

وغطّا أكفاني

هل بعد موتي فيك

راح اشوف وطن ثاني ! ??

....

م النهارده

م النهارده..

كمان وبكره .. وبعد بَعْدُه

قلبي تاب من كل دقه

تجيب له سيرته

هانسى وعده

وكل همسة سمعها منه

قلبي جف... خلاص

تعب من كتر هجره

قسوه بين حنيتيه

زادت في بَعْدِه

م النهارده..

مفيش حنان .. راح يسبقه

ولا نظره مني ..



ورا كلامه تصدقه

موت لي حلمي ف أوله

مالحقت مره أكمله

ماتت معاه دنيا

وياما حلمت بيها

دنيا عشت العمر كله

نفسي فيها

تاخذ بإيدي للهناء

لقيتني جوه النار..

وباتعذب أنا

....

غصين عنك

غمض عينك...واقفل بقلبك

واكتم نفسك .. لو هتموت

او عاك تحزن ، أو تتألم

أو يوم يطلع منك صوت

عايز تاكل !.. عايز تشرب !

او عاك تطلب حتّى القوت !

اربط بطنك .. موّت قلبك

وادفن حلمك.. جوه تابوت

عمرك عشت بتحضن حلمك

شايف أملك ... بكره وبعده

ضلام وسكوت

حتى النبضه ... ف قلبك تايهه

ف شريان دايب .. عايشه مشاعرك



إحساس موت

اقفل بقل... اقفل.. سلسل

فوق حنجرتك... مش هاتنادي

بحقك تاني

آه يا خسارتك !!

مش ها تشوف الحلم ثواني

حتى ان كان حلمك مشحوت

مش راح تفرد جناحات حلمك

فوقها الذل معشش فيها

كل هوان الدنيا عليها

فوقها الظلم بيطحن فيها

وف ايده ... خمسين نبوت!!

....

آخر كلمه

آخر كلمة ما بيني وبينك

خلّي شعاع الشمس... يزهر.. بين سرايينك

خلّي خيوط الفجر.. تنور .. نظرة عينك

خلّي حروف العشق

تنام .. ف سطور دواوينك

آخر كلمه.. من أشواقي ..

حبك باقي .. نبضه ف قلبي

سر ما بين أوراقك .. وبينك

لو بأيديا .. كل ما شوفك

هابعت ألف رسالة شوق

من عطر كفوفك

هاكتب مليون كلمة حب

وأقولها لطيفك

أغزل شعري .. ستاير فرح ..

تداري كسوفك

..

هاتصدقني لو قلت لك

كل ما افكر فيك .. بانساني

واحيا اللحظة

اللي لنن عنيك وخداني

واوصل حبك جوه لقلبي ولوجداني

هاتصدقني

لو هاتمر علينا سنين

ولاً هانسمع ألف حكاية عن العاشقين

حبي وحبك

لو نرويه .. أو نوصف فيه

عايزين م الأوراق ملايين

أغنية حب

ضُمِّي فَرَحِي جَوْهَ حُضْنِكَ

وَبِحُضْنِكَ قَرَّبِي

غَطِي حَزَنِي بِنَبْضِ قَلْبِكَ

وَبِإِيْدِيكِ طَبْطَبِي

بِأَنْدْهِكَ وَ الْفَاكِ نَسْمَهُ

هَفَفْتُ فَوْقَ تُلٍّ تَاجِي

رَفَرْتُ فَوْقَ عَيْنِي نَنِّي

مَا أَنْتَ أَصْلًا جَوْهَ مِنِّي

بَيْنَ رَمُوشِي .. فَ قَصْرٍ عَاجِي

لَوْ هَا أَقُولُ عَنْكَ حِكَاوِي

هَا أَحْكِي أَلْفِينَ مِنْ اللَّيَالِي

وَاسْمَعِي الطَّيْرَ الَّذِي شَرَّقَ

وَالَّذِي غَرَّبَ .. لَمَّا تَغْرِيدهُ يَلَالِي

جوه منِّي .. حب صافي

صدقيني جوه منِّي

وف عيوني السحر وافي

من جمالك....

ولجمال فجرك هاغني

هاكتب الغنوه اللي شافت

فوق غيطاتك.. زرع حبي

واكتب الغنوه اللي عاشت

بين حنايا القلب تسبي

واكتب الغنوه اللي جابت

من صدى صوتك لقلبي

واسمعيني لما اغني

واسمعي....

عشقي ف هواكي ... جوه لخلي

فوق وتر قلبي .. وخذني

فوق سحابك

ياما قلبي عاش عشان

يفدي حفته من ترابك

يحمي أرضك..

ع الحدود أو ف الميدان

والجراح بتهون ف حبك .. والجسد

واحلفي بدمي وعروقي

يوم ما تنزف تحت رجلك .. يابلد

قلبي بايع ليكي عمره

قبل حتى ما يتولد

....

حكاية حبا

أنا مش هاشحت مشاعرك ..

ولا عمري شحتّها

ولا يوم هاستجدي عطفك

ده انا اموت من قبلها

إذا كات كلمة بحبك ..

قلبك مش حسّها

تحرم على قلبي مهما...

بشفايفك قولتها

أشواقنا كات دفانا ...

في ليالي البردانين

والهمسة ف يوم لقانا ...

بتدوّبنا ف حنين

كان حبي ليك حكاية ...

يحكيها العاشقين

ليه وصلته النهايه..

وراح من إيدينا فين ؟

لو كان حد ف حياتك

خد من قلبك مكاني؟

راح ألم شظايا حبي

وكفايه جراح هواني

وابكي بدموع عنيا

على حب زمان داواني

وزرعته ف نبض قلبي

ورويته من حناني

أرجوك قول الحقيقة

ماقدرش اعيش دقيقه

على وهم الحب تاني

حروف اسمك

ليه كل ماامسك القلم.....؟؟

يكتب حروف اسمك

وكل ماالمس فرحتي..

فوق الورق.....

يضحكها قلبك

ولما أغني غنوتي..

من جوه قلبي....

تحكي لي سيرتك

ليه ...؟؟!!

كل مابينك وبينني ..

حروف أماني

تقراها وأقراها أنا ...

كل المعاني

كل أمّا نحسب عمرنا ...

نلقاه ثواني

هانعيشه ولّا نضيعه

بايدنا تاني

و ليه كلامنا بيتولد

لحظة لقانا

نظرة عينا بترتعش

ف عروق هوانا

نلقى الإيدى متشبّه

نلقى القلوب متونسه

والشمس ترمي ضلها

تحضن دفانا

وقمرنا شاهد حينا

من فوق سمانا

بين ايدين رحمتك

يارب كلّي ذنوب

أنا راضي بالمكتوب

جيتك وبدّي أتوب

يارب واقبلني

أنا ماليّن الخوف

وفي الذنوب ملفوف

ومن لقاك مكسوف

يارب وارحمني

أنا ماليّا سواك

طمعان أنا ف رُحماك

شايفني مش شايفك

ماف مره تظلمني

يارب أنا عاصي

كاس الذنوب كاسي

قلبي صبح قاسي

يارب خلصني

عقلي صبح حيران
من ذنبي أنا خجلان
وبالدموع سهران
والذنب ..أهو . ذنبي
قلبي إتسحب مني..
كان السبب إني
نَفْسِي بتظلمني
حوش الذنوب عني
جيتك على بابك
تقبلني ف رحابك
تعطف على قلبي
يارب طمّني
أنا بين إيدين رحمتك
طمعان أنا ف قدرتك
ترحمني وبعزتك
ذنبي يفارقتي

....

باخاف منك

باخاف منك... واخاف إنك...

تخشّ القلب... ف الدّقة

ومقدرشي... قصاصد شوقك...

ولهف عينيّك... اقول لأه

باخاف ألقائي...

مشدوده... لبحر هواك

وانا في العوم...

ماليش سابقه

ولا لسهاد... قمر ليلي...

أدوق ويلي....

قصاصد لمسّه... لكفّ الإيد..

وجوه.. في العروق... سابقه

أنا هارتاح... واقولها لك...

لا أنا هاأقدر...

أخبي في الوريد... خوفي

ولا هاأقبل..أكون لك ...

في الخيال... عاشقه

....

إيه فكرك بيَّا ؟

آخر كلام ليَّا..

إيه فكرك بيَّا ؟!

ورجعت ليه ثاني

تقابلني بأمانني

أشواق ف أغنيه

لسه الجراح بتتن

لوم الصحاب مع إن..

كل اللي بينا بعاد

هجر وخصام وعناد

إيه فكرك بيَّا؟؟!

آخر كلام مني

خليك بعيد عني

قلبي خلاص سابك

كان ضمن أحبابك
واما انت بعته باع
حبك لقلبي خداع
آخر كلام وحروف
قلبي اللي عاش ملهوف
تمسح إيديك م الخوف
يستنى منك طيف
يهمس لروحي همس
(حبك ده بكره وأمس
حبك ده جوايا...
أملّي ودنيا)
طلع الكلام كداب
شافت عينيا سراب
..

آخر كلام عندي

انا داخله في تحدي

مع نفسي.. مع روعي

راح اداوي ف جروحي

هانسى خلاص نوحى

قلبي غسل جواه

من كل لحظة آه

كل اللي بينا بعاد

هجر وخصام وعناد

إيه فكرك بيأ؟؟!!

....

باحبك

باحبك

كلمة ف لساني..

أقولها بصوت..

ومن غير صوت

أقولها.... لو هاقولها وأموت

ولو خلص الكلام مني

يكمّل قولها وجداني

باحبك حتى لو قلبي...

نسي أنه يدق ف يوم

ومن دقاته عاش محروم

يدوب رقه.... يادوب دقه....

وميت دقه...

بيفتكر وينساني!

باحبك



همسه ف وداني
أقولها لك يوماتي كمان
وأحلي نبض شرياني
بعيش علشانه كل آوان
كلام الحب مخلوق لك ...
وموصوف لي...

أعيش جنبك
يا أجمل نسمة ف زماني

أنا لو يوم اغيب عنك
تسيبني الروح وتنساني
تنادينني.... وتحكي لي
وصوتك همس ف وداني
وعشوق نار
يصحّي ربيعي وكياني

....

آه يا هابيل

آه يا هابيل

وآه.. يامليون هابيل

وكان آدم مش أبونا

وصدر حوا كان عليل

مين اتقتل ومين قتل ؟

مين اللي بإيديه العئل

مين اللي دمه... نبت الشوك الطويل

مين اللي جرحه

سال على مليون سبيل

وسمنا صرخة أمنا

ازايوفين ؟

ياولادي ليه ؟

قسوة قلوبكم .. جات منين

والأورده..... بقيت جشع

مهما ارتجع...

الدم عمره ما يتنزع من العروق

ويارييت نفوق

آدم ابونا كلنا...

وحوا شجره تضلنا

يارييت يموت فينا قابيل

يارييت نحب بعضنا

يدفن غرابنا كل خوف جاي مننا

نحلم سوا بزمان مافهشي ولا قابيل

ولا دم سائل واتهدر

ونقول قدر.. لو مات هابيل

....

بـ عينك

بعينك لما تندهلي...

وتشتاق لي... وارد عليك

ولما الفاك وتلقاني...

كلام تاني .. يدور حواليك

وييجي الحرف متبسم

ويتكلم قصاد مني ..

أبوس إيدك.. بلاش الدمعة من عينك

أنا محتاج لتغريدك .. وألحانك

تصبّي الحب ف وريدي

وابوس القلب من جوه

أنا وهوه .. ما بين الضعف والقوه

وبيّن حدود

وابوس النبضه في إيديكي

وشرايينك عليًا شهود

وباضحك ضحكه .. من قلبي

واقول: بـ عنيك

تلاقي الكلمة ف لساني

وبره القلب ... مش جواه

لكين قلبي شعور تاني

باعيش إحساس أكيد حسّاه

وهارجع برضو م الأول

مع قلبك وكل نداه

وارد بضحكه من قلبي

بصوت عالي .. واكون سامعاه

بعينك لو تقولها لي

بعينك لو هارد بـ آه

....

رسالة إلى .

اتمنيت.. كلمة حب تسمّعها لي

وتقولها لي .. واتمنيت...

لحظة شوق همسة شوق ..

منك جيّالي

عمري ما كان يخطر ... على بالي

إن بهجرك راح تلقاني

وهايلقاني.... النوم من بعدك ؟

متهايك

وانت ياربيت تجاوبني بعقلك

إمتى الأرض.. تعادي الميّه اللي بتحبيها ؟

إمتى العين...

بتخاف من النظره اللي تصحبيها؟

إمتى القلب



منى الغريب

بيكره نبضه شوق بيحسك بيها؟
إمتى مشاعر خوفنا... بتحبس حبنا فيها ؟
إمتى الواقع
يقتل أحلام شوق بعد ما يرويها ؟
إمتى هاتعرف إني بحبك
وتصون حبي
وتفهم كل قواعد قلبي من بعديها ؟
إمتى الجاي من بكره
هاياخد إيدنا
لأسعد لحظة نعيش وقتيها
حبك أكبر حب ف قلبي
وأجمل قصة باعيش معانيها
....

شهيد

دم الجراح يا وطن ..
زادت وفاضت فيض
حتى التراب ارتوى ..
من دم كل شهيد
فرحان في مين قلبك
والضحكه ملو الصوت
دا ابنك ومن صلبك
حضنهُ ملاك الموت
وهان عليك دمه
قلبك صبح جبروت !!؟
نדרن عليًا ياوطن
لأمسح تراب دُلي
وافتح كتاب الزمن

وارسم شعاع ضلِّي
هااكتب سطور من نور
عن كل دم شهيد
رُخِصَتْ حياتهم يوم
وباعوها يوم العيد
بادلوا رحيق عمرهم
وف لحظه بشهاده
سكنوا ف نعيم ربنا
في الجنه وزياده

....

طمني قلبك

طمني قلبك.. لسه بحبك!!..

زيّ ماكون ... باستنى الكلمة ...

اللي هاتحييني

فكرك ... لما تقولها هايرجع..

نبض القلب ... ما بين شراييني

فكرك ... لما يجف القلب ...

بقسوة طبعك ... راح تلاقيني

فاكر.. كلمة حب تقولها...

تظمن قلبي ...

وتمسح دمه ... بتجرح عيني

وان سهام الشوق... في رموشك ...

نظرة عين ترميها ... تجيني

طمني قلبك.. لسه باحبك!!..



بعد سنين البعد... معاها

باستناها

تبقى بتحلم.....!!

قلبي اتغير....أيوه اتغير

طَفَى شموع الوجد... رماها

زلزل كل حنايا القلب...

وخرَج حبك ... من جَوَّها

طَهَّر قلبي من أحزاني

وقسوة قلبك... كات سايبها

نَبَّت فرحي.. وداوى الجرح...

وقلبي ونبضه... وكل جوارحي...

خلاص مالكاها

....

قلبي شافك في المنام

قلبي شافك في المنام

قلت لك أحلى كلام

قلت راجع ثاني ليكي

وآدي قلبي بين إيديكي

صفحة بيضا خُطي فيها

كل أشواقك وحبك

ضحكه حلوه نسيها قلبك

لما قلبي غاب عليك

غبت عنك.... بس روجي

ساكنه روجك.. صدقيني

كل أنفاسي وبوحي

ليكي إنتي ياضي عيني

كل أحلامي ف بُعدك



شوفت فيها حب قلبك
دوقت جنبه نعيمها قربك
ياللي أحلامي ف عنيكي
رمشي يحضن نظره فيكي
لما ينطق حبي ليكي
آه بحبك....

ياللي حُبك
فتّح الورد ف إيديا
يملا كل الكون عليا
هنا قلبي ودقا روعي
بادعي ربي كل ثانيه
ما انحرم من عطف قلبك
....

بحبه رغم فرق السن

بحبه رغم فرق السن

وبادعي يرتفع شأنه

ولو عصفت رياح الحزن

أضحى بروحي علشأنه

بحبه ومهما إيه يعمل

وقلبي ليه بيتحمل

بكاه بالليل على صدري

وإيدي وقلبي بيسمّي

ينادينني وباجري عليه

وأجمل كلمه ليه: أمي

مرايتي وقولي يامرايا

ده مين أجمل ... بشر في الكون؟

يشوفه القلب فين مايكون



ومين روي عليه هاتكون

كضلايه ف يوم الشرذ

ومين هايكون دفا لقلبه ف ليل البرد

وبسمع صوتك الطيب بكل الود..

أنا يالاه يانور عيني

عنيكي في زمان البعد

وايدي لو تعوزيني

راح افردها وقلبي يمد

وتحفظ روي دعواتك

وبتباركني صلواتك

ماانا فداكي ياست الكل

ومهما الكل حابيني

ومهما الكل صاحبي

هاتبقي يا أمي فوق الكل

لمسة إيد

بلمس إيديك.. وقلبي يدوب..

يدوب قلبي.. من اللمسه

واشوف ف عينيك

هنا نظره.. بتحضني

ما بين الهمسه.. والهمسه

تقول عني.. يانور يسري

أرد عليك .. وأقول إنك.. حبيب عمري

وتحلف كل صوابنا على الأوراق

بان عيوننا... وقلوبنا..

تدوب أشواق

وإن حروف أسامينا

ف أول صفحة للعشاق

هنا حرفي يشوف حرفك ويتبسّم

الاقلي كل ما تكتب حروف عني

تقول عيني : (أكيد بحلم)

هنا ابتسمت وشافت عيني أنوارها

هنا ضمت حنين قلبي

ف لحظة... لَمَّا صاحبتهَا

بعينها ليَا بصت لي

هنا شافت دموع عيني..

ف أول بُعد كان بينا

وأول ضحكة من قلبي..

ف أول لحظة تجمعنا

ودعوة قلبي... من جوه

وينقش لنا أسامينا

تكون دايمًا...

ف أول صفحة للعشاق

الشاعرة في سطور

الشاعرة / منى الغريب

بكالوريوس تجارة / جامعة عين شمس

عضو اتحاد كتاب مصر

عضو رابطة الزجالين وكتاب الأغاني بالقاهرة

عضو مؤسس بنادي أدب القلب

حاصلة على بكالوريوس تجارة جامعة عين شمس

نشرت أعمالها في العديد من المواقع الأدبية والمنتديات

لها مدونة على موقع جوجل بعنوان حروف المنى

[/https://nooralvarf.blogspot.com](https://nooralvarf.blogspot.com)

لها مجلة إلكترونية بعنوان / حروف من نور

[/https://hroofmennoor.blogspot.com](https://hroofmennoor.blogspot.com)

لها من المجموعات الأدبية على الفيس

مجموعة مشاعر حرف

https://www.facebook.com/groups/584531874981639/?ref=group_header

٤٩٨١٦٣٩

صدر لها ديوان / كلما اقتربت منك شعر عامية (٢٠١١)

الفهرس

م	القصيدة	الصفحة	م	القصيدة	الصفحة
١	بطاقة الكتاب	٢	٢٦	مش هموت	٤٨
٢	الإهداء	٣	٢٧	مغديش	٥٠
٣	بهلوان	٤	٢٨	كلمة آسف	٥٢
٤	أنا آسف	٧	٢٩	لو بإيدي	٥٤
٥	أيوة قولت	١٠	٣٠	وطن تاني	٥٦
٦	بتكلم جد	١٢	٣١	م النهاردة	٦٠
٧	تعرف ليه؟	١٤	٣٢	غصبن عنك	٦٢
٨	أحلام قلبين	١٦	٣٣	آخر كلمة	٦٤
٩	هتلاقيني	١٨	٣٤	أغنية حب	٦٦
١٠	جدول ضربي	٢٠	٣٥	حكاية حبنا	٦٩
١١	تياب الحلم	٢١	٣٦	حروف اسمك	٧١
١٢	حضرة صاحب العصمة	٢٤	٣٧	بين ايدين رحمتك	٧٣
١٣	جوه مني	٢٦	٣٨	بخاف منك	٧٥
١٤	سلامي ليك	٢٨	٣٩	إيه فكرك بيا ؟	٧٧
١٥	عمري ابتدا	٢٩	٤٠	باحبك	٨٠
١٦	قلبي مات	٣١	٤١	آه ياهابيل	٨٢
١٧	كدبة جديدة	٣٣	٤٢	بـ عينك	٨٤
١٨	كده توحشني	٣٥	٤٣	رسالة إلى..	٨٦
١٩	اتعودت	٣٦	٤٤	شهاد	٨٨
٢٠	قرار	٣٨	٤٥	طمني قلبك	٩٠

٢١	نهارى المستحيل	٣٩	٤٦	قلبي شافك فى المنام	٩٢
٢٢	وجيت اضحك	٤١	٤٧	بحبه رغم فرق السن	٩٤
٢٣	مين فينا يبتدي	٤٢	٤٨	لمسة ايد	٩٦
٢٤	ويجي الليل	٤٤	٤٩	الشاعر فى سطور	٩٨
٢٥	نفسى	٤٦	٥٠	الفهرس	٩٩